

定山堂詩餘

詞序

文章者德業之餘也而詩
爲文章之餘詞又爲詩之
餘然則天下事何者不當
用其有餘者哉若竟量而

出索焉遽盡此均堂之泛
觴而非洪淮巨河之有源
有本者也卽以詩論古人
之詩古人之樂章也樂因
詩以傳聲詩藉聲而驗樂

三百篇者瞽史之徒所按
聲而歌者也古者歌鹿鳴
必歌四牡皇皇者華三詩
以節之而用南陔白華華
黍三笙以贊之迨後而四

詩亡矣僅存鹿鳴一歌漢
之樂府由是以起樂府之
紀系不傳於是詩爲有律
之文章而非匏笙之辭曲
矣其近乎樂而可譜以八

音者莫善乎詩餘然則詩
餘者三百篇之遺而漢樂
府之流系也其源出於詩
詩本文章文章本乎德業
卽謂詩餘爲德業之餘亦

無不可者大宗伯芝麓先生以人倫之宗鑒爲

無朝之柱石其德業文章橫絕乎漢唐以上弁髦乎宋元以下千古精華之氣天

地特聚之以畀先生之一
人故其發爲詩歌也燦燁
如日星之昭垂隱嶙若岱
華之聳峙梅村學士序其
詩詳言之矣間以其閒情

詩片四
發爲詩餘

授而梓之於錫山總其事
者爲吾友姜子子翥余以
今年冬來遊梁溪子翥手
先生全卷問序于余余得

邀先生之知者已數十年
其沐浴教澤者深矣於是
取是編而讀之淪淪乎有
三百篇之遺音焉其珥璫
槐掖濡筆承明則雅音亮

節依然彤弓湛露之賦荅
也其遣情山水放目雲烟
撫白石以流連漱清漪而
淪沂則逸興遄飛陶然卷
阿苓隰之高致也其凄心

悄志悱惻纏綿寄悲怨於
花辰託遙思於月夕則殷
然憂讒畏譏離夫思婦之
蕭騷也其香閨憶別霜塞
鳴笳聽木葉於宵砧響愁

鴻於鐵馬則楊花雨雪色
然以驚悽然以悲而瞻望
勿及者也其春郊約友曲
水聯心就雲中而招鶴開
金井以投輪則鳥鳴伐木

慕友聲而思蘭味者也然
則先生之詩餘非古樂府
之餘盛中晚之餘而三百
篇之餘也亦非僅三百篇
之餘直可上泝夫八伯卿

雲之爛白雲西母之謠元
首股肱之廣颺而爲其餘
者也昔歐陽文忠晏元獻
諸公以詞名宋代立朝正
色卓立不移以先生德業

文章之盛何其先後若一
轍也世之讀是編者性情
以是正焉風會以是醇焉
房中正始之音以是傳焉
寧僅曰詩之餘而已哉是

爲序時

康熙癸丑仲冬西陵丁澎

葯園氏敬題於錫山旅

舍

定山堂詩餘卷一

白門柳

東風第一枝

樓船○用史邦卿韻

誤佳期

其二

鵲橋仙

其三○用向蕪林七夕韻

杏花天

其四

驀山溪

送別出關已復同返○用周美成韻

惜奴嬌

離情○用史邦卿韻

西江月

渡江作

十二時

浦上寄憶○用柳耆卿秋夜韻

西江月

廣陵寄憶○用史邦卿閑思韻

減字木蘭花

途中寄憶

薄倖

春明寄憶

好事近

其二

風流子

其三

浪淘沙

長安七夕

眼兒媚

邸裏

浣溪沙

其二

長相思

其三

前調 其四

小重山 其五

浪淘沙 其六

浣溪沙 其七

念奴嬌 中秋得南鴻喜賦○用東坡中秋韻

蘭陵王 冬仲奉使出都南轅已至滄州道梗復返○用周美成賦柳韻

祝英臺近 聞暫寓清江浦○用辛稼軒春曉韻

風中柳 復聞渡江泊京口○用孫夫人閨情韻

賀新郎 得京口北發信○用史邦卿韻

玉女搖仙珮

中秋至都門距南陽初來適周歲矣○用柳耆卿佳人韻志喜

念奴嬌

花下小飲時方上書有所論列八月廿五日也○川東坡赤壁韻

菩薩蠻

初冬以言事繫獄對月寄懷

臨江仙

除夕獄中寄憶

玉燭新

上元獄中寄憶

萬年歡

春初繫釋○用史邦卿春思韻

綺羅香

同起自井中賦記○用史邦卿春雨韻

石州慢

感春

望海潮

同前

蝶戀花

送春○川趙栗夫韻

如夢令

題畫蘭帘子

一落索

小窓夜坐○用周美成韻 二首

滿庭芳

從友人處分得新茗少許以遺閨人
○用山谷韻

菩薩蠻

題畫蘭雲扇

小重山

重至金陵

鐫陽臺

重遊京口○用周美成懷錢唐韻

西江月

春日湖上○用秋岳韻

蝶戀花

湖上春雨○用吳修蟾倦繡韻

清平樂

春情○和吳修蟾韻

點絳脣

春閨○追和何籀韻

桃源憶故人

同善持君湖舫送春○用少游春閨韻

虞美人

其二○用秋岳泊京口韻

臨江仙

其三○用歐陽永叔夏景韻

蘇幙遮

其四○用范希文韻

誤佳期

雨後看月○用秋岳舟中見韻

菩薩蠻

其二○用李太白閨情韻

浪淘沙

湖樓晚坐○用陳眉公山中夏夜韻

水調歌頭

述懷○用蘇東坡中秋韻

羅敷媚

有序○

三首

定山堂詩餘卷一

姪嘉禧

淮南龔鼎孳孝升著

男士稹全較

弟鼎絳孝積訂

士璣

題辭

白門柳

暫出白門前楊柳可藏烏
歎作沉水香儂作博
山鑪靡曼相傾恣心極態
江南金粉奉爲豔宗
吾所云然不揣斯謂要之
發乎情止乎禮義其
大畧可得而觀焉

東風第一枝

樓照○川史邢卿韻

鳳絡霞絨蓮鋪金索橫橋榭霧吹暝玉奩半嬾春
妝一笑上樓人淺朱衾畫幔緊圍定夢愁心軟自
題名年少多情不及杏梁朝燕雲母閣主司青
眼團扇第書生覲面醉扶壁月飛瓊鎖合柳烏小
苑珊瑚聯枕楚雨逕神峯如線愛紫蘭報放雙頭
恰好阮郎初見

誤佳期

其二

香定剪風羅幙客踐籠燈芳約紅綃沾酒下簾時

失記登樓作 狂枕玉簫眠軟絆金蟲落埽脣才
子賦多情可是憐輕薄

鵲橋仙

其三〇用向鄴林七夕韻

紅牋記注香糜勻染生受綠蛾初畫挑琴擘阮太
多能自寫影養花風下 月低金管帶飄珠席兩
好心情難罷芳時不慣是烏啼願一世小年爲夜

杏花天

其四

嬌香院落蓮釘扣有結陣都梁彈袖濃絲麗玉春
風守團定蓉屏粉肉 搓花瓣做成清晝度一刻

翻愁不又今生誓作當門柳睡軟粧樓左右

驀山溪

送別出關已復同返○用周美成韻

清波桃葉幻出劉郎路兩槳載鴛鴦透金鎖重城
幾處低幃促坐長似玉牕西行不得且雙歸蛺蝶
香中去重來門巷盡日飛紅雨消息動陽關暗
凝愁繞花鐘鼓朱深碧淺一幅可憐春休進酒與
調箏只結同心縷

惜奴嬌

離情○用史邦卿韻

無賴鸚哥誰遣喚花枝醒闌干外愁潮恨嶺一步

救臺受不起、加餐信、風靜漾、簾櫳回頭小影。有
限天涯載得了、垂楊病銷魂牒。權時拜領說、謊高
唐可好託春衾性、難聽長嘆與清鉦乍竝。

西江月

渡江作

箭打亂潮柔櫓、鴉翻古渡青旗。春江玉雪鑒鬚眉。
俊眼相看似此、長劒錦驄香夢、寶釵鈿瑟男兒。
人言無淚灑離時、不稱英雄淚耳。

十二時

浦口寄憶。用柳耆卿秋夜韻。

隔江樓月湧銀濤、偏是紅綿難洗。正絮撲棠艍、星

稀蕙幄、慳慳花氣中。酒心期垂簾時候，旅館疎燈
起殘堞外，一片荒鷄，一半畫笳，吹到孤眠人耳。
幽夢中、重尋後會。豈似麝裊同繫，笛瘦寶鞍，釵斜
玉鏡。寸寸含情地，別路千萬疊。長亭只在望裏。
暗忖量、藍橋約定，領畧三生恩意。兩字驪歌，暫時
南浦，豈負濃香被。宛轉官柳，側終憐好春輕棄。

西江月

廣陵寄憶。○用史邦卿閨思韻。

別怨暗移青鏡。春愁倦聽紅牙。揚州燈火絳樓紗。
不似石頭城下。伴我郵亭孤月。負他寒食梨花。

沒來繇事誤天涯玉笛當風此夜

減字木蘭花

途中寄憶

檀脂鳳帶遠在碧山春艸外耳畔低聲恰似蘭閨
念小名風巾雨屐那許偷窺金粉席只辨銷魂
絮得東風也閉門

薄倖

春明寄憶

粉城春市繫馬慣誰家蕩子別袖意菱花偷見驀
地錦簾千里炤小窓雙蒂銀蟾深憐密喚曾如此
有膩玉輕鉤翠雲濃繞芳夢黏人難起數不盡

定山堂詩餘

四

卷一

同心咒休筭作冶遊驅使怕金鈴聲瘦青驄天遠
倚樓腸斷斜陽裏晚香橫几對真真暗囑情場不
負鸞釵紫鴛鴦鳳綬端值龍沙一死

好事近

其二

走馬到章臺閑却綠窓眉筆記得回頭低喚怨柳
梢斜日倚欄今夕卜歸鴻管取蛛絲吉好夢也
須珍重意中緣難必

風流子

其三

相思明月社推桃葉一代水邊樓憶黛比岫遙花

和人瘦玉圍屈戌珠寫箜篌銷魂別淚如巫峽雨
心逐廣陵舟乳燕幕開錦箋難託蜜蜂房閉香粉
都收紅窓攜纖手雙雙把鴛盟訂在新秋只道
霎時金屋管甚閒愁悵霞生綺陌誰家弄笛露涼
小苑何處藏鉤七夕看看過了夢見還羞

浪淘沙

長安七夕

壁露乍驚秋月滿西樓江南簫管正悠悠報到天
邊今夜會綵線穿愁薄倖是牽牛會少離稠鵲
槎一夕錦雲收我做牛郎他織女夜夜橋頭

眼兒媚 邸裏

桐洗窗紗葉吟秋翻動一春愁玉鞭酒市醒來斜
月醉裏朱樓柔腸憔悴無人見見卽恐花羞試
拋腦後陡來衾底又嵌心頭

浣溪沙 其二

腸斷鴛鴦錦字文一雙疼熱在春分新愁歛枕不
能聞影入菱花留夕照香凝紈扇憶朝薰玉牕
還肯受殷勤

長相思 其三

惜花期訂花期訴向花愁知未知天憐兩道眉
望中疑夢中疑斗帳檀絲月午時香泥塑蝶癡

前調

其四

似多情似無情玉艷心情是怎生春衫記不明
長歌行短歌行多少柔腸攏掇成流鶯只一聲

小重山

其五

一縷春心託杜鵑也防人薄倖靠青天瓊樓眞負
鳳簫綠無聊賴劈碎紫鴛絃送眼落霞邊只愁
深閣裏誤芳年載花卹得木蘭船桃葉路風雨接

定山堂詩餘

卷一

幽燕

浪淘沙

其六

翠憶報花來，春恨重栽。西風吹夢上妝臺。舊夢不留新夢遠，影裏徘徊。客思遶秋苔。鐵馬驚開銀牀冷，落薛濤才。細展紅香溫麗句，一字千猜。

浣溪沙

其七

死向雲英一哭休。藍橋風路不中愁。勾符明註小紅樓。青鳥夢嘗迷繡戶，孤鴛塚莫葬芳洲。訴花難放玉搔頭。

念奴嬌

中秋得南鴻喜賦○用東坡中秋韻

遠鴻飛送有傾城玉杵龍綃踪跡小字鴛鴦顛倒
認憑仗晶盤凝碧密約鑄花深嚙謝柳打破春愁
國秋燈分照短長程已親歷爲想翠管輕籠綠
牕低喚軟欸憐征客迢遞江南天北意佳事恰宜
今夕鈿合香濃鸞臺雲熱狂欲生雙翼冰蟾遙共
畫樓人在吹笛

蘭陵王

冬仲奉使出都南轅已至滄州道梗復返○用周美成賦柳韻

戍烽直山外寒雲捲碧香塵道千里繡弧凌亂垂

楊暮烟色鴻飛如異國何況朱顏作客茱萸帶霜
打雨吹瘦損宮腰恰盈尺京華旅人跡正艸迂
金鞭花暗瑤席五侯鯖好無心食聽白鴈風快紫
鸞人遠鈿轅瞥過渭橋驛似天限南北心惻萬
愁積料野館斜曛芳影淒寂回頭鳳闕情何極佇
日麗仙掌柳迴羌笛經年紅淚向錦衾畔宛轉滴
祝英臺近

聞暫寓清江浦○用辛稼軒春晚韻

綠烟橫蘭槳渡金犢偃淮浦細草春寒過盡斷腸
雨望中雀扇雲衣溫存無據枕邊心關山留住

莫輕覷柳外無盡長亭朝朝背人數河上雙魚聽
否咒花語更愁香夢來尋重添離處却也遣病魂
隨去

風中柳

復聞渡江泊京口○用孫夫人閨情韻

天半峰青遮定玉帷花惱捲珠屏依然碧艸過江
心事罵飛鴻難告問東風可曾知道兩點金焦
看遍淺嚬微笑送粉絲春潮漸杳黃昏纔慣信羅
衣寬蚤又禁得杜鵑聲老

賀新郎

得京口北發信○用史邦卿韻

鶯館安排靜待珠輪逐程屯割柳旗花令預遣探
香烏鵲去露灑星橋玉冷可曾見盧家官艇金字
虎頭青鳥印押紅泥遮抹春愁影騎鳳月破烟暝
瑤箱淚疊朱絲賸試芙蓉兩行宮燭對攤芳信
蔽雨細揉彈事筆溫熱低心軟性料錦鯉今番情
定霧幔晴衫深打疊怕秋棠不耐商飈勁因蚤鴈
囑君聽

玉女搖仙珮

中秋至都門距南鴻初來適周歲矣○用柳耆卿住人韻志喜

青天萬里忽下檀雲送到虬幢鮫綬六代金霞三

春鶯粉拾得有情佳麗便倚秋蟾比怪年年碧海
成雙非易儘疇昔羅裙畫簟無數銷魂見面都已
相逢恰今宵一世團圓花明月媚兼有九宵玉
珮五夜香爐好景安容拋棄斗帳霧濃珠縉絲熱
柳毅龍宮輸美紫幄同心倚任消受南國知名才
藝卹忍忘燈前却扇笛邊沾洒上樓歡意三生誓
玄霜碾入鵲鵲被

念奴嬌

花下小飲時方上書有所論列八月廿五日也○用東坡赤壁韻

畫眉餘興晒王章閨閣都無英物北闕浮雲遮望

眼誰作中流鐵壁剪豹天關搏鯨地軸隻字飛霜
雪焚膏相助壯哉兒女人傑投袂太息花前仰
天長笑正酒狂初發赤日金鱗霄漢轉坐見嶽搖
氛滅一葉身輕千峰約在幸少星星髮與君沉醉
玉臺斜過佳月

菩薩蠻

初冬以言事繫獄對月寄懷

冰綃冷織孤烟悄簷濤響壓花鈴小夜色上啼烏
青燈一壯夫嬋娟千種意莫炤傷時字此夜繡
床前清光圓未圓

臨江仙

除夕獄中寄憶

不記今爲何夕，隔牆鐘鼓催春。逞風花艸太無因。
籠香深病色，罷酒得愁身。料是紅閨初掩，清眸
不耐羅巾。長齋甘伴鷓鴣貧。忍將雙鬢事，輕報可
隣人。

玉燭新

上元獄中寄憶

天街風定後，想畫鼓雲繁，絳籠星就。虎城豹柝輕
烟外，逗出銅龍春漏。侯家錦毯醉不了，珠場花候。
誰信道，青鬢孤臣，今宵雪霜盈袖。依稀燭下屏

前有翠靨綃衣月明安否小睂應鬪恨咫尺不見
背燈人瘦香柔粉秀猛伴得英雄搔首千古意惟
許冰絲平原對繡

萬年歡

春初繫釋○用史邦卿春思韻

一笑東風喜寒梅尚繁香散瑤雪攜手花前重見
酒杯豪發鐵石銷磨未盡筭只有風情癡絕生拋
撇瘴戟蠻裝更央珊枕埋骨而今虎鬚怒歇料
天荒地老比翼難別絡粉調笙還讓引裾人物儘
取頭廳重印肯換却纖纖霞韞甘心署錦隊鉗奴

五湖編管烟月

綺羅香

同起自井中賦記○用史邦卿春雨韻

弱羽填潮愁鵬帶血凝望宮槐烟暮竝命鴛鴦誰
倩藕絲留住住舉杜葑正則懷湘珥瑤碧宓妃橫浦
誤承受司命多情一雙喚轉斷腸路人間兵甲
滿地辛苦蛟龍外前溪難渡壯髮三千黏濕遠山
香嫵憑蝶夢吹恨重生問竹簡殉花何處肯輕負
女史甚弘止耽鶯燕語

石州慢

感春

香閣春添庭院書長花雨飄灑清明時候輕寒小
熱暗愁盈把呢喃燕子却憎畫棟彫零烏衣閑恨
猶牽惹拍碎玉闌干儘黃鸝描寫游冶禁烟吹
散寶瑟風前紫騮花下何似一燈寒食柴門初打
樓頭柳色望裏青斷天涯絮飛還殢王孫馬解道
莫愁誰只長干人也

望海潮

同前

江山如此年華依舊分明又度春宵銀鴨吐香蓮
銅滴月朱欄瘦拂長條閑倚玉屏腰見鬢雲送嬾

羅襪藏嬌怕被花窺一天風露近藍橋幽情慣
是無聊記青綾寵愛紅研丰標隋苑鶯殘吳宮葉
冷蒼茫昨日今朝清夢轉迢迢望碧天艸色烟雨
淒遙無計留春淚絲偷印美人萼

蝶戀花

送春○川趙栗夫韻

簾外遊絲飛去了打疊閒愁斷送啼鶯曉一曲畫
闌銀月小玳床人倦殘春杳生怕金鈴催宿鳥
叫過三更月與花都少斜倚博山幽恨悄雙眉做
就堆煩惱

如夢令

題畫蘭君子

金縷水沉薰透。蛺蝶趁花風瘦。整整復斜斜。澹墨
妙于濃繡。生就生就搖曳。一痕紅味。

一落索

小窓夜坐○用周美成韻

人影放簾深秀。玉鉤風皺篆香銀燭。豔成堆。全襯
貼凌波瘦。清露曲欄吟久。懽愁都有。唾壺敲斷
五更心無一事。姑花柳。

前調

失路酒狂悲苦。目隨雲去等閒。畫閣似扁舟。單欠

著風和雨 約定滄江烟樹先傳鯉素莫將香粉
笑鴟彝天送與藏身處

滿庭芳

從友人處分得新茗少許以遺閨人
○用山谷韻

箬葉雲籠銀瓶風嫩旅客魂斷鄉關箇儂情重千
里歷風烟憶得春江穀雨蘼蕪路蚤隔仙凡今何
夕輕嘗慢啜紅藥正爛斑 佳人應倦繡青燈小
閣綳軸初翻要親扶香影吹上睂山恰值珠簾半
捲芳磁送幽韻無邊重攜手欄花莫睡明月晚粧
前

菩薩蠻

題畫蘭雲扇

春風宛轉朱闌曲，吹花直上烟鬟綠。芳韻一枝斜，
鏡中人是花。纖雲搖更曳，襯出芙蓉雪。生愛靠
香肩，倒言花可憐。

小重山

重至金陵

長板橋頭碧浪柔，幾年江表夢恰同遊。雙蘭又放
小簾鉤，流鶯熟喚喚一低頭。花落後庭秋，蔣陵
烟樹下，有人愁。玉簫凭倚，賸風流。烏衣燕飛入舊
紅樓。

錄陽臺

重遊京口○用周美成懷錢唐韻

樓枕層濤屏橫遙翠捲簾多少黃昏西風客到紅
蓼剪江村一派天台舊路金輿送七寶霞裙差僂
倖雲階歎息阮肇不曾聞 牆東諸女伴蒼苔共
踏爭拾香塵爲映花人面常夢題門記得教臺小
妹看看改芳歲天孫青山外六朝明月留炤綺羅
春

西江月

春日湖上○用秋岳韻

晴日花邊簫鼓春人畫裏樓臺
鴟彝烟縈碧天開

不記鳴笳絕塞，歲月頻銷濁酒。風波不到蒼苔，小蘇羅帶柳卿才。喜與青山同在。

蝶戀花

湖上春雨。用吳修蟾倦繡韻。

宛轉珠欄烟共倚，薄倦微寒，小坐香肩比。乍聽曉鶯啼夢裏，海棠又濕鸚哥嘴。柳外蘭橈添漲水，黛淺顰深，雨過千峰矣。瘦損落花擎不起，春來一味愁而已。

清平樂

春情。和吳修蟾韻。

淺顰深語，疼殺櫻桃雨。柳岸人家烟正吐，寒食春

陰當午 清波寫影堪憐
春人好處難傳 便爲花
愁無賴 禁他風鬢雲鬟

點絳脣

春閨○追和何篇韻

菱鏡堆烟黛螺過午
猶慵掃茶蘼開了衣桁楊花
小 識字鸚哥宛轉相排調
愁多少玉鈎紫袍羞
見紅蘭老

桃源憶故人

同善持君湖舫送春○用少游
春閨韻

子規絮夢蘭窗曉
哽咽落紅無了
今夜斷腸花鳥
春去愁應少
畫欄十二香綿裊
吹上白蘋難掃

青鬢爲誰催老，又是西陵艸。

虞美人

其二○用秋岳泊京口韻

春光九十原嫌窄，閃殺飄零客。啼花淚逐水東流，
且載銀樽綠鬢盡情遊。千山罨畫吹紅霧，却改
離亭路。長條攀折一番新，囑付明年還傍可憐人。

臨江仙

其三○川歐陽永叔夏景韻

誰遣封姨吹畫幟，晴湖蹴作濤聲。輕寒羅袖最分
明。催花落盡，此別太生生。薄福東君應自悔，一
春雲慢風旌。雙蛾小皺縠紋平。夕陽無賴，不管鈿

釵橫

蘇幙遮

其四○用范希文韻

粉香城歌舞地，明月今宵偏照雙峯翠。
一夜碧蟾涼似水，爲送春歸，特到紅窗外。
五更愁千疊，思對月端詳不許垂楊睡。
珠箔檀肩長共倚，斷鼓零簫，迸入留春淚。

誤佳期

雨後看月○用秋岳舟中見韻

雨被綠楊黏，駐月戀紅扉。
乍吐簾香透隙，似黃昏博得當風顧。
梧犬吠初星，花鴨喧清露。
明朝艸定山堂詩餘

色太殷勤、襯貼凌波步、

菩薩蠻

其二○用李太白閨情韻

嵐光倒影金波織、洞簫吹散孤雲碧、吳越此南樓、
遮燈有莫愁、迴廊人小立、漏箭催何急、送月兩
三程、濕鶯低柳亭、

浪淘沙

湖樓晚坐○川陳眉公山中夏夜韻

乍雨又微晴、山外山、青屏風六曲、護銀燈、供奉筆
床香一瓣、雪淨花明、坐對古先生、病裏人清芳
磁碧乳、勝金莖、小艇春鶯誰度曲、添註風情、

水調歌頭

述懷○用蘇東坡中秋韻

小住爲佳耳萬事總繇天乞天判與沉醉斷送奈何年
逞日寶刀橫吹入夜清燈疎雨鬢髮暮雲寒
吾老是鄉矣雙袖百花間倦司馬窮阮籍只高
眠宿醒剛醒又問明月可曾圓長策瓊臺采藥小
隱於陵織屨雅操仗君全放眼憑欄久風露正娟
娟

羅敷媚

五月十四夜湖風酣暢月明如洗繁星盡

斂天水一碧偕善持君繫艇於寓樓下剝
菱煮芡小飲達曙人聲旣絕樓臺燈火周
視悄然惟四山蒼翠時時滴入杯底千百
年西湖今夕始獨爲吾有徘徊顧戀不謂
人世也酒語清恬因口占四調以紀其事
子瞻云何夜無月但少閒人如吾兩人予
則謂何地無閒人無事尋事如吾兩人者
未易多得爾

一湖風漾當樓月涼滿人間我與青山冷淡相看

不等閒、藕花社榜疎狂約、綠酒朱顏、放進嬋娟、
今夜紗窓可忍關、

前調

木蘭掀蕩波光碎、人似乘潮、何處吹簫、輕逐流螢、
度畫橋、白鷗睡熟金鈴悄、好是蕭條、多謝雙高、
折簡明宵不用招、

前調

情癡每與銀蟾約、見了銷魂、爾許溫存、領受嫦娥、
一笑恩、戲拈梅子橫波打、越樣心疼、和月須吞、

省得濃香不閉門

前調

清輝依約雲鬟綠
水作菱花蘇小天
斜不見留人
駐晚車
湖山符牒誰能管
讓與天涯如此豪華
除却芳樽一味除

定山堂詩餘卷二

綺幃

燭影搖紅

有序○方密之索賦備枕卽用其韻

菩薩蠻

代友人惜別○二首

壽堂春

代友人贈所歡

念奴嬌

和雪堂先生感春

百字令

其二

滿庭芳

有序○韋公祠海棠花下與諸子社集作

如夢令

惜春○二首

風流子

社集天慶寺送春○和舒章韻

踏莎行

又送春○用劉伯溫韻

大酺

和秋岳春憶

臨江僊

和雪堂先生韻感懷

南鄉子

其二

杏花天

題錢舜舉畫華清上馬圖

昭君怨

賦牡丹○用劉後村韻

前調

賦本題

醉落魄

飲遂初芍藥花下

品令

客有以新茗見餽者○用山谷咏茶原韻

木蘭花慢

和雪堂先生感懷

南柯子

端午前一日社集和遂初韻

前調

其二

望江南

其三

前調

其四

隔浦蓮近拍

春夜同秋岳作

東風第一枝

其二

浪淘沙

春夜同秋岳小飲

雨中花

殘梅同秋岳作

掃花遊

元夕同秋岳作于無外邸中○用周美成韻

望江南

又戲和秋岳

滿江紅

爲孫秋我新納姬人催妝和韻

念奴嬌

和寄秋我

高陽臺

和秀公爲張維則催妝

燭影搖紅

吳門元夜值雨○和張材甫上元韻

青玉案

虎丘踏月○用賀正回春暮韻

薄倖

秋岳將以病去湖上留飲寓齋命製此詞卽用其題壁舊韻

滿江紅

拜岳鄂王墓敬和原韻

前調 拜于忠肅公墓。○用岳鄂王韻。

滿庭芳 雨中花數。○和吳修蟾韻。

鐫窻寒 聞子規。○用周美成寒食韻。

阮郎歸 春去。○用史邦卿韻。

點絳脣 詠草追和林和靖韻。

水龍吟 爲徐子介玉壽。○用辛稼軒韻。

杏花天 送春前一日湖上泛舟卽事。○用史邦卿韻。

百字令 和吳修蟾雨中春恨。

惜餘春慢 追春。○用吳修蟾餞春韻。

定山堂詩餘

三

卷二

齊天樂

初夏湖樓看雨○用史邦卿湖上卽席韻

醉蓬萊

爲仲弟孝緒壽○用葉少蘊上巳韻

羅敷媚

西陵吊蘇小二調

天僊子

追和小青

望海潮

過錢武肅王祠○用秋岳生黃鶴樓吊孫吳韻

琵琶仙

吊白舍人蘇學士○用秋岳琵琶亭志懷韻

驀山溪

登吳山吊伍子胥○用秋岳烏江渡韻

滿江紅

弔林和靖先生墓○用呂居仁幽居韻

齊天樂

湖上午日○用吳修璣和周美成韻

賀新郎

其二
○追和劉潛夫端午韻

定山堂詩餘卷二

姪嘉稽

淮南龔鼎孳孝升著

男士積全較

弟鼎璚孝積訂

士稚

題辭

綺懺

湖上旅愁呼春風柳七憑欄欲語時一吟花間
小令爲曉風殘月招寬脫口津津尋自厭悔昔
山谷以綺語被訶鍼鉅甚痛要其語誠妙天下
無妨爲大雅罪人吾不能綺而詭之乎懺然則

吾不當懺綺語當懺妄語矣

燭影搖紅

方密之索賦催粧卽川其韻

何來才子自負多情選艷花叢旣眼苛於
冀北效顰桃葉空夢遶平江南無處尋愁
歌燕市酒人之曲有官割肉慳金門少婦
之緣願得一心合爲雙璧今且窮搜粉譜
恰遇麗姝綰髻相思能誦義山之句投珠
未嫁欣挑客座之琴眉黛若遠山臉際若
芙蓉風流放誕驚絕世之佳人玉釵掛臣

冠羅袖拂臣衣微笑遷延快上國之公子
錦茵角枕良夜未央白雪幽蘭新懽方洽
兼以花杆月拍並是慧心璧版烏絲時呈
纖手奉玉堂之紅藥比金屋之奇姿可謂
勝絕一時風華千載者矣昔宋玉口多微
辭自許溫柔之祖而其告楚王曰天下之
美無如臣里臣里無如東家之子嘻何隘
也燕趙多佳風矜名貴文鴛擇栖未肯匹
凡鳥耳豈必聽子夜於吳趨載莫愁於煙

艇乃稱雅合哉

一揖芙蓉閒情亂似春雲髮凌波背立笑無聲學
見生人法此夕歡娛幾許喚新妝佯羞淺答算來
好夢總爲今番被它猜殺宛轉菱花眉峯小映
紅潮發香肩生就靠檀郎睡起還凭榻記取同心
帶子雙雙綰輕綃尺八畫樓南畔有分鴛鴦預憑

錦札

時早南
鴻初至

菩薩蠻

代友人惜別

子規叫破山花血銀屏香瘦蘭衾熱芳草約裙齊

濃愁妬馬蹄。前谿從此渡。記取棲烏樹。今夕定何年人分月恰圓。

前調

斜陽初作黃昏雨。天涯就是門前路。莫踏柳絲橋。柔腸一萬條。花愁沾玉笋。回袂春皇下。不惜褪歸期。從頭溫別離。

畫堂春

代友人贈所歡

玉芙蓉剪柳絲。看花因解語。頭低闌干約畧小腰圍。不爲春歸。睡重惱開鸞鏡。燈昏揉碎烏絲。淺

定山堂詩餘

三
噴深妬任嬌癡畢竟憐伊

念奴嬌

和雪堂先生感春

凭欄無賴受東風冷暖瞞人情緒一夕梅覓芳霧
散把酒頻澆黃土露浥金鈴烟籠粉慢似聽酴醾
語啼鵲初瘦月高誰作花主分付弱柳千條小
闌干外替兩睂辛苦薄醉濃香簾幙捲又是流鶯
梳羽玉管橫吹霞綃凝寫怕到酸心處五侯亭館
當年何限歌舞

百字令

其二

斷寬無柳霎時間、柳絮蘋花吹合幾點殘紅、隨蝶
粉倒掛蛛絲簷角、鸚鵡呼來鷓鴣催去、恨與晴波
濶斜陽無語、半天煙岫寥廓、何處麥雨葵風、含
桃金碗九十春光、惡惆悵江南花落盡、玉樹歌聲
重作、畫鼓螢流瓊簫人遠、野草迷長樂、御溝流水
應憐雲鬢梳削

滿庭芳

韋公祠西府海棠數本繁艷甲於京師春
昔朝士讌賞不減慈恩牡丹也滄桑旣變

而此花不改三月十八日與諸子社集其

下感幸繫之

紅玉籠雲胭脂侵雪兩行擷艷驚奇乳鶯聲裏香
雨一庭滋繡帶留僊小立絳霞畔飄送瓊璣銷翫
處如嗔欲笑狂眼任紛披珠鈿芳草路憑空十
載拋撇幽姿邋堪過天寶再趁花期落日華清似
夢絃索冷妃子容衰無情甚東風賣眼看殺爛柯
碁

如夢令

春

無處訴花啼。柳白祇半沾春酒。芳絮盡情飛惱得。
海棠消瘦。難受難受。說着曉風。眉皺。

前調

春去晴絲庭院。丟下枕痕一綫。帶恨過簾櫳。又是
舊年雙燕。心顫心顫。陡被落紅。燕見。

風流子

社集天慶寺送春。○和舒章韻

柔絲牽不住。眉尖小。一慙又斜陽。問紅雨。灑愁幾
番離別。綠蘋漾恨。何代蒼茫。子規說。麝迷青塚。月
珠墮。馬嵬粧。苔臥錦錢。橫拋芳影。燕衝簾蒜。偷覷。

柔腸、前歡真如夢、流鶯嬾風日、枉媚銀塘、擔閣
背花、心性淚不成行、歎樓空杜牧、濃陰乍滿、人分
結、綺落粉猶香、拈合一春滋味、彈出伊涼、

踏莎行

又送春。用劉伯溫韻。

亂綠迷烟、殘英墜雨、東風不肯留春住、問春尚未
到天涯、玉驄只索花邊去、羅襪凝香、紅茵沾絮、
春歸料是春來處、黃鸝強要訴花愁、夕陽催上相
思樹、

大酺

和秋岳春憶

憶柳如煙烏啼月江左瑯琊何處高樓紅樹裏有
銀箏紈扇與花相妬六代鶯聲三山草色曾記遊
人來否芳懷隨雲散悔東華走馬此行原誤更風
滿敗梧日斜橫笛燕穿飛絮包胥無一旅看公
等歌舞誇南渡爲問取彝吾往矣祖逖何如繡芙
蓉卿能頻顧夢逐江流去還懊惱數峰遮住料難
到家山路菱花憐我蕭索長卿非故倩誰百斤買
賦

臨江僊

和雪堂先生韻感懷

一
陣催花風似箭小樓昨夜還曾獨撚衣帶暗香
疑此生惟恨恨誰解惜惺惺 楚水吳山渾是夢
羨他行脚孤僧仲宜高處不須登斷魂千古月龕
淚十年燈

南鄉子 其二

槐影落宮牆寶瑟瑤笙恨杳茫負了多情簾外燕
昭陽不見臨春鏡裏妝 月地問玄霜蕭后臺邊
鈿粉荒玉漏不知金井換悲涼只記長門一樣長

杏花天

題錢舜舉畫華清上馬圖

海棠醉罵東風嬾，
不上行雲一片沉香絃索催。
春晚珍重紫騮翠扇，
問鼙鼓馬嵬驚散，
偏好殺三郎不管名花總入傷心傳。
怕對錦鞋玉面。

昭君怨

賦牡丹

用劉後村韻

依舊紅牋綠譜，
褪下春風一步。
國色便欺花也憐他。
小雨雕欄曲，
圓後夜冰蟾銀兔。
花底唱梁州，
疊成愁。

前調

賦本題

玉笛黃沙風韻，
彈亂琵琶舊本。
誰負入宮妃是蛾。

眉埋沒畫圖顰面青塚芳魂誰見綠髻不禁吹
塞雲飛

醉落魄

飲遂初芍藥花下

勻朱襯綠碧闌干瘦繁香束楊妃卯醉春山感央
託金鈴迴避遊蜂毒沉香亭北嬌姿獨明霞籠
定胭脂曲東君著意假憐熟舞罷留倦繡襪當風
蹴

品令

客有以新茗見餽者用山谷咏茶原
制

小啜過龍餅看香色真清另寒泉玉淨淡煙寫月

乳花微瑩天外金莖記得長卿渴病 雁魚程永
落花日多愁境甚風吹到故園一片青山弄影有
底相關空博萬種思省

木蘭花慢

和雪堂先生感懷

鏡中腸斷絕愁萬種不分明正柳憶烏啼雲迷馬
角惆悵前生東風恰吹恨到又酸酸楚楚兩眉橫
怪底檐花如雨杜鵑長是吞聲 昭陽粉黛記將
迎翠袖五銖輕忽淒管催霜繁笳沸月好夢難成
休言畫工救點便淺啼微笑也心驚慙愧紅塵斷

梗負他碧澗香葵

南柯子

端午前一日社集和遂初韻

逝水滄江遠浮雲碧漢流
逢時愁上仲宣樓漫說
當年劉表在荊州
探把菖蒲瓊還膠芥葉舟隔
背堆怨玉搔頭吊屈湘波何處此淹留

前調

其二

亂後隣芳節先期集勝流
長安花月酒家樓爲問
幾時絲管遍皇州
落日餘橫笛臨風欲掉舟相
看莫只鬪眉頭自昔錦帆龍舸可曾留

望江南 其三

名士會共泛縷金芽棋局從誰翻黑白文章空自
絢雲霞庾信已無家佳節到閒日好邀遮荆楚
歲時多感慨秦淮燈火最繁華風物故園賒

前調 其四

苔影綠宮雨長槐芽雙燕也知翻玉樹一杯還許
泛流霞醉處且爲家榴蕊艷狂眼絳雲遮繁夢
管簫新殿脚惱人風露舊宣華明日恨先賒

隔浦蓮近拍

春夜同秋岳作

蘭窗紗黏杏子蝶信梅梢裏一曲青娥瘦床前銀
月初起霞暈紅綿洗沉檀屑襯煖飛璫指繡針墜
花煙欲動撩人幾許風味江南碧草畫出捲簾
情事華燭金尊漫徙倚無數閒愁如此春水

東風第一枝

其二

鳳琯排煙鵝笙沸月歲華初到街鼓柳絲約定歡
期花信吹開恨處今宵酒酸又勾引蝶翻蜂聚近
小窗紅雨生生做作一簾芳霧飛艷縷紫絨偷
度挑錦字玉麟舊侶遠山千疊銷魂畫屏一聯繡

句旗亭藥榜訝批抹雙鬟何據趁好春安頓心情
莫遣少年空去

浪淘沙

春夜同秋岳小飲

銀燭炤柔心欲醉還禁珊瑚鈎小掛春陰偎暖多
情簾外月玉漏宵沉鴉語帶宮音柳色搖金沈
即銷瘦舊時吟辜負醺醺真薄倖瞥眼花深

雨中花

殘梅同秋岳作

半捻銀梨雲乍瘦一帶碧欄風欲皺問月似芳
池憐春影可記橫斜候幽磬押簾燈火後霞帳

薄寒香透漸花怯籠屏人慵倚笛打疊風光漏

掃花遊

元夕同秋岳作于無外邸中用周美成韻

絳霞萬疊炤曲巷斜欄黛峰橫楚遠
蟲紫鳳雅歌妙舞一帶銀紗惹霧瓊梅散雨踏花
去問取玉人春色來處人醉花不許又走馬星
橋翠鈿爭路畫堂列俎趁芳宵好客發抒情素報
道鸞簫吹斷天孫舊苦漫停佇正高樓數聲蕉鼓

望江南

又戲和秋岳

華燈畔春眼溜微波小閣名香籠繡帶畫簾人影

似輕羅妙處不須多
凝峽蝶生就繞纖蛾
玉碾蟾蜍天上夢
風憐翡翠座中歌
多事憶鸞韉

滿江紅

爲孫秋我新納姬人催妝和韻

粉井香天算惟許何郎
竊近翠亭亭菱銅斜倚撲
堆可憎玳瑁衙排花仗擁
鴛鴦牒押紅泥觀靠雕欄
活現海棠絲東風幸
遮不穩將燈倩
兜不起羞人問
乍流蘇嚙子雙吹檀
暈犀帖燕衝蘭夢小
銀瓶麝累微漿嫩
笑玉人幾許未銷
冤從今定

念奴嬌

和寄秋我

流煙迴雪睨晴波一揖蘭橈春色雙好天然都道
是公瑾小喬無別故國樓臺江南鈿粉往事成悲
咽銀鐙芳醕半窗梅藥初折最恨乍見還離踏
歌携手袍袖霜猶熱料得空山風雨夕繡出愁香
千結客住三峯雲來五朵恰直花時節夢中吹送
舞風楊柳殘月

高陽臺

和秀公爲張維則催妝

桂粉彈牀銀泥襯履芙蓉一笑偏親黛寫遙山多
情京兆知名花如百和星前語便倚風天上難聞

好粧成夫婿前頭莫問傍人
當年鵲渡天孫正
九微畫燭雙袖宮雲艷事誰家重看寶珞裝輪曲
江柳綫章臺月錦步圍肯負青春願金閨長記盟
言緊繫羅裙

燭影搖紅

吳門元夜值雨○和張材甫上元韻

花信爭傳玉鈎草色寒猶淺雨絲風片殢紅愁誰
記張燈宴粉霧檀雲暗捲伴名香銀梅小苑畫橋
煙暝酒市人歸寂寥絃管金翠吳宮燭龍幾爍
朱門換青驄紈扇憶長安人醉雕闌遠十里香塵

不斷惜流年，歡長漏短月。迷江館，客散旗亭一行。
春雁

青玉案

虎丘踏月。○用賀方回春暮韻

金閨箇是迷香路。又月底移船去。風定石坪笙管
度。吳王虹劒，貞孃珠粉，兒女英雄處。草痕短，
荒祠暮入望。寒山夜鐘句，自負多情天應許。要離
事往，館娃人去，一陣催花雨。

薄倖

秋岳將以病去湖上，留飲寓齋，命製此詞，卽用其題，壁舊韻。

碧簾風綰度。蚤燕花橋月。棧喜賽酒歌樓人在共。

試錦燈春眼倚曉蘭銷瘦腰圍晴湖十里空絲管
恨鳳珮星遙攻箏屏隔不耐啼鶯冷暖看麝粉
經行處調馬路綺羅飄散待青迴雙鬢香添半臂
片帆吹送吳趨緩聚稀歡短勸煙筇彩纜多情莫
負金樽滿江頭鼓角惱亂秦臺楚館

滿江紅

拜岳鄂王墓敬和原韻

鐵騎春寒英雄恨何時始歇對萬古日飛潮射抗
忠比烈王劍氣橫南渡水靈旗夜捲朱僊月念青
衣毳帳是何人開情切金牌憤風波雪社稷事

東窗滅歎一堆黃土河山頓缺五國冰長封馬角
九天雨又吹龍血憶當年壯髮怒雲高搖雙闕

前調

拜于忠肅公墓

用岳鄂王韻

萬里神州當公世三光幾歇奉社稷仰迴天步義
聲霆烈翠輦不移螭陛草丹心長照龍堆月置死
生成敗付蒼穹孤忠切弓烏恨須臾雪徐石輦
紛紜滅視大名諸葛旂常無缺策定抗辭靈武賞
事完補灑攀車血使非公毋論奪門功誰陵闕

滿庭芳

雨中花歎

和吳修蟾韻

綠翦裙腰紅銷眉暈恰聽鶯轉空堦海棠愁重羅
幄暫徘徊卽更簾鉤燭午銷魂雨陡地驚摧無聊
甚年年花語多半怨春來長生私誓後當風羯
鼓驚惱蜂猜問亭亭香影掃盡還開竟似離雲萬
疊南浦約經歲纔回殷勤囑朱樓意嬾無力踏青
苔

鐫窻寒

聞子規。用周美成寒食韻

幔捲紅樓蘭缸寫影玉蟾窺戶枝頭一派送到落
花風雨對青山淚珠暗拋斷魂說向天涯語爲箇

人憔悴絲絲蓬鬢十年軍旅
春暮牽衣處有柳
外鷗雙桑間馬五湖光瀲灩供奉鶯儔鴛侶憶故
園寒食清明紫騮碧草依舊否怕人歸滿眼斜陽
畫角圍芳俎

阮郎歸

春去。用史邦卿韻

垂楊醉軟紫絲鞭隔橋芳草煙送春淚灑落紅邊
鶯愁五十絃
雙鬢事兩湖緣東風又一年當歌
莫奏斷腸篇而今怕可憐

點絳脣

詠草追和林和靖韻

簾外河橋綠圍裙帶無人主。繡鞦行處踏碎梨花
雨。目送春山南浦煙光暮。牽春去。柔腸無數蘇
小門前路。

水龍吟

爲介玉壽○用辛稼軒韻

繡弧懸在當門石。麟錦燦徐郎手。丹山躍彩天閒
馳駿駟。閭增舊叔。寶神清終軍年妙名。塲推首羨
朱纓玉珥。龍文虎脊。青雲器人能否。滿目烽橫
刁斗。眺中原難眠清晝。男兒事業紅旗黃紙。絕塵
而走。簡點秋螢。讀書彈劍。且停花酒。願時平一老

定山堂詩餘

婆娑澗石更爲君壽

杏花天

送春前一日湖上泛舟卽事。用史邦卿韻。

紫蘭香重圍清粉，倩柳線彈開酒暈。明蟾恰與珠樓近，行到紅橋又隱。湖山放浩歌狂飲，呆宋玉逢花嬾問春風。不管羅衫恨明日，流鶯欲盡。

百字令

和吳修蟾雨中春恨

薄寒吹酒中春愁，兩點珊鈎眉合。樓外濃陰飄遠岫，遮斷芙蓉屏脚。玉雁風低，金猊枕瘦，放下丁香幕。爲花長歎，烟林一片空廓。眼見飛絮遊絲，殷

勸相傍、軟到軟韁索。悵佳時、容易度。誰信慳慳、
芳閣夢淺、無痕憐深。似病雪打梨雲、惡關情如許。
莫教燕子偷覺。

惜餘春慢

追春。川吳修蟾餞春韻。

綠幃縫愁紅泥埋恨盡。是東風、花草晴翻麥雉雨。
開桑鳩誰記。畫樓鶯曉。當日株移永豐三楚。腰肢
入宮纖小。到如今、香雪飄零何處。玉驄稀少。看
不上、明月無情。鳳簫金管冷。對黃昏、新惱胭脂井。
畔燕子樓頭。一片粉灰珠掃。青帝拋人幾時。潘鬢

沈園年年空老尚癡心春在平蕪央取亂峯遮繞

齊天樂

初夏湖樓看雨○用史邦卿湖上卽席韻

煙橈一點如鷗小衝散碧波來去蝶老韓憑花辭
謝豹丟下惱人春雨青螺幾許儘鏡暝屏遮夢迷
遙渚一半樓臺酒旗低捲畫中樹依然寒食院
落柳塘蛙鼓畔榆錢青聚乍改輕衫還熏密坐猜
殺雙栖紅羽雲連繡柱任門外燕香侵痕多阻奇
絕空濛驗前人好語

醉蓬萊

爲仲弟孝綽壽○用葉少蘊上巳韻

快花前樽滿十里笙簫畫船來去追數流光嘆年
年征旅雁塞蛟宮越旗江火隔對牀風雨亂後重
逢篝燈如夢客懷難語散騎身強士龍名重天
海行藏肯同繞絮舞柳徵歌笑絳轡何處去國雄
姿憑高青眼漸斗橫銀浦白首相看丹霄過我更
拈吟句

羅敷媚

西陵吊蘇小二詞

油車寶馬春風路天付多情小是花名占住西陵
柳絮城幽蘭泣露吹羅帶月與身輕芳草還生

薄倖斜陽看喚卿

前調

櫻桃風熟青梅老雪打蘋香春去橫塘不憶當年
也斷腸六朝環珮芳煙散瘦了鴛鴦人代淒涼
紅粉英雄哭一場

天僊子

追和小青

劒戟橫排脂粉塞鸞鳳死償鷄鶩債剪紅一寸石
榴刀金翠塚埋香快白蝶紫煙蓮露界才子單
傳鸚鵡派碎玉猶存蘭蕙槩人間薄命是聰明憐

也在憎也在彩筆難容雙錦帶

望海潮

過錢武肅王祠○用秋分坐黃鶴樓
吊孫吳韻

銀濤喧鼓銅牙披戟雄開王氣之先虎步鳳鸞
揚蜃國登時擁上凌煙冠劍錦山傳有金符玉冊
踵武英賢吳越高門尉陀臺接鷗鵠前 千秋舞
榭歌筵賴麾江指海勇敢秦鞭餘耳韓彭紛紛灰
燼曾聞偉伐歸然風景逐時遷頓鼉潮息淞良嶽
輸燕公等無如空言南渡是何年

琵琶仙

弔白舍人蘇學士○用秋岳琵琶亭
志懷韻

定山堂詩餘

十八

卷二

絕代西家風流容二老柳堤花榭管領公事湖山
芳晨並良夜開拓鼓雲裳雪面似樊素小蠻初嫁
鵲尾團香螭頭會食高韻天假際昇平金紫神
仙兩朝人奏合清狂社冷眼江峯又飽覩銀戈紅
帕飛絮恨青驄莫繫羅扇淚哀松同瀉試呼公一
片吟翫夕陽之下

鷲山溪

登吳山弔伍子胥○用秋岳烏江渡韻

銀戈白馬跌宕人豪意歌扇縷金裙粉軍容江東
絕技水犀甲士不上采蓮船雄畧儘老臣殂一劍

西風淚 吳簫楚墓鍊就水霜器
郢樹蘊青天違君父豈同兒戲
倒行鳴怨七尺等浮雲生有爲死
何難濺血非讒忌

滿江紅

甲林和靖先生墓○用呂居仁幽居韻

薇園芝岑分幽派孤山一曲碧
亂剪此鄉如畫鶴天梅屋度閣
松雲吹午飯繞溪香雪飄寒玉
恣登臨信宿輒忘歸苔堦綠
無官職東籬菊有主客王猷竹
竟廉花立柳澗林無辱西禪東
封何限事灌園賣藥生涯足
我欲扶殘醉訪高墳春鷗熟

齊天樂

湖上午日

十九

○川吳修蟾和周美成韻

遠峯吹散雕闌雨，遊人畫橋三五。彩鷁風高，繡旗日麗，又弔一年湘楚。釵符綴虎也，嬌小窺簾，笑低金縷。如此湖山，半分歌吹，送重午。樽前初拭醉眼，問靈均去後，與誰終古。屏枕薌潮，扇搖玉雪，同賦采蘭新句。菱舟曲度，漸掉入荷心，月痕留處。願趁佳時，普天銷戰鼓。

賀新郎

其二○追和劉潛夫端午韻

銀篆香雲吐，畫偏長，碧梧庭院，玉肌無暑。贏得青

山安穩在何處爭龍鬪虎恰畫艇一隻飛渡多少
繁華風絮盡筭幾時重起新簫鼓身未老待歌舞
西陵花月應相許喚深情大蘇蘇小對澆芳醕
萬事不如杯共把請看離宮麥黍空滿眼鴟彝濤
怒漁父當年非憤俗果孤清獨醒人徒苦吾醉矣
莫懷古